

AGENDA INFORMATIVO DI FTA

ORANJESTAD(AAN)—Masha practico, y informativo ta e agenda cu FTA a pone disponibel e aña aki pa su miembronan y interesadonan.

E agenda aki tin su particularidad den e hecho cu e ta contene varios informacion di sumo im-

portancia pa trahadornan

Entre otro ta ser haya aden informacion en cuanto sueldo minimo, informacion ariba e desarrollo di aumento di costo di bida, splicacion pa e calculacionnan, alavez e ta contene en breve e in-

formacionnan basico di diferente leyman cu ta di importancia pa cada trahador, manera entre otro e ley di vacacion, ley di referendum, ley di retiro y ley di cesantia.

E ta un agenda sumamente practico cu lo yu-

da sigur cualquier persona den bida diario, pa locual ta trata e informacionnan cu e ta contene.

FTA en colaboracion cu Cenfor, su centro di formacion, ta presenta e agenda pa e clase trahador, pasobra a keda de-

mostra cu informacion ta di vital importancia pa un real concientizacion di nos pueblo, segun FTA.

Emiembronan y interesadonan por pida na oficina di FTA pa adqueri nan agenda.

SAC Y PARTICIPANTENAN DI TUMBA A REUNI DEN BON AMBIENTE

ORANJESTAD(AAN)—Tur aña por a tende di reunionnan fuerte entre SAC, musiconan y cantantenan cu ta participa na concurso di tumba di carnaval.

Pero e ala aki por bisa cu a ser teni e reunion di mas tranquil di ultimo añanan, cual a desarolla den un bon ambiente y cu tabata masha obhetivo.

E reunion no a dura mas cu un ora y mey, compara cu e marathon-

nan di añanan anterior y a yega na comprendemento ariba varios di e topiconan cu a ser discuti ayera anochi.

Di ambos banda tabata tin comprension pa e situacion financiero actual y a keda dicidi cu lo no papia ariba asuntonan financiero ainda te cu ambos partido analiza e gastonan di pasado, reuniden nan seno y bini back den otro reunion pa papia ariba esakinan.

E parti financiero ta en-

cera premionan, gastonan cu ta ser haci relaciona cu e concurso etc. E asociacion di musiconan di Aruba lo reuni diadomingo na IOWUA ariba tur esaki y dialuna anochi despues di tiramento di lot di concurso di calypso y roadmarch, lo tin un reunion cu SAC en cuanto e puntonan.

SAC a cuminsa baha cierto gastonan caba relaciona cu e concurso di tumba, mientras cu ta conoci cu di banda di e gru-

ponan musical tambe esaki lo ser haci. A ser delibera ariba ccarchinan gratis cu ta ser duna tur aña y esaki tambe lo ser baha considerablemente e aña aki.

Tabata tin discusion ademas ariba e sistema cu kier usa e aña aki, esta saca un Rey di tumba y un Tumba di aña, pero esaki a keda pa ser discuti den seno di Asoma, y tambe SAC, ya cu si

mester acepta e sistema aki, lo mester organiza esaki bon, y especialmente e sistema di juzga.

Aparentemente lo no tin transmision di televisior: directo e aña aki, pero ariba esaki ningun decision definitivo no a ser tuma tampoco.

Ayera anochi tambe e cantantenan a inscribi pa e concurso y di esaki por lesa den otro articulo.

FTA POR FIN A LOGRA CONVENIO CU PACUSNAN

ORANJESTAD(AAN)—Despues di varios luna di deliberacion y negociacion, FTA a logra un convenio colectivo cu ge-

rencia di Artistique Boutique y Calypso NV, cual convenio ta cubri tur trahador di e dos empresanan aki.

E duracion lo ta for di prome di december 1984 te cu prome di juni 1987, y ta ser menciona den dje aumento di dianan di vacacion, tempo liber pa delegadonan sindical atende seminarionan, aseguro di desgracia cu ta cubri e trahadornan 24 ora pa dia, Aseguro pa cubri gastonan di entiero, varios aumento general cu ta dreña na vigor for di december 1, 1984 caba, dia prome di juni e aña aki y otro aumento dia prome di juni 1986.

Ta ser menciona den e convenio, pagonan di overtime y lunch pa overtime y transportation, bonus di fin di aña, y den caso di candela of desaster e trahadornan ta cubri pa 12 luna cu salario normal.

Tambe a yega na convenio ariba dianan adicional liber cu pago pa diferente ocasion special.

12 CONJUNTO Y 20 CANTANTE CABA PA TUMBA

ORANJESTAD(AAN)—E aña aki tin participacion di 12 conjunto den e concurso di tumba di carnaval, locual ta dos mas cu aña pasa, mientras cu e cantidad di participantenan si ta baha.

Aña pasa a yega e cifra record di 35 debi na e celebracion di e di seis lustro di carnaval, pero pa e celebracion di e di 15 aña di concurso di tumba, e aña aki ya tin 20 cantante sigur cu lo participa y ainda por spera algun mas.

Por a ripara por ehemplo cu Juancho Kock ntey e aña aki, di Martin Quandus no ta sigur apesar cu a inscribi su nomber, mescos ta cu Clara del dia. Su nomber a ser inscribi pero no ta sigur tampoco si e ta participa.

Henry Kock su nomber no a ser inscribi, ni di Efreem Benita, Giovanni Arends y Chinto Croes, pero e posibilidad ta cu ainda lo por bini cu e cantantenan aki ya cu

tin oportunidad ainda pa inscribi nan.

Sensacion del Caribe a inscribi Merco Quandt y Rafael Flanders, Triple S cu Ito Dania, Chicho Kock y Papito Rafael, tambe Eric Rafael y John Jeandor, La Combinacion Perfecta a inscribi Sylvano Maduro, Edwin Croes y Oswald Croes, Vibracion a inscribi Kinchi Arends, Sumedad H a inscribi Tito Flores, La Selecta a inscribi pero no a menciona cantante, y aparentemente lo ta Chonai Farro, La Revolucion Latina ta bini cu Martin Quandus, Secondino Tromp, y Mario Steenen, Conjunto Criollo cu Francis y Boysie Croes, Melomania cu Doedel Sofia.

Sensacion lo bini tambe cu Didi Wernet aparentemente, apesar cu no a mira su nomber ayera nochi, mientras cu e tabata presente si na e reunion.



PARTICIPACION

Compania di electricidad "ELMAR" ta recrea tur su consumidorman di corriente cu ultimo dia pa paga recibonan pa consumo di electricidad durante luna di NOVEMBER 1984 lo ta dia 14 di JANUARI 1985.

Despues di e fecha aki, lastimamente corriente lo worde corta di esunnan cu no a paga.

Den caso cu corta corriente, ELMAR no por garantisa cu lo pone corriente bek ariba e mesun dia cu e cuenta atrasa worde paga.

N.B.: Esnan cu ta paga via di banco, tene cuenta cu e esaki ta yega algun dia despues den nos poder. "Por favor trece e parti di e recibo nobo cu bo a hanja na cas of un recibo bieuw, ya bo ta yuda nos duna bo un miñor servicio".